

KUMPUAN
RAM LEH HNAM
HUMHALH

YMA

AW



CHANMARI WEST BRANCH YMA CHANCHINBU KARTIN CHHUAK. VOL. XXIV. ISSUE NO. 23 9th June 2013

YMA Day lawm dawn

Chanmari West, 9th June, 2013 : Kumin YMA Day lawmna hmasa chu Ni 14.6.2013 (Zirtawp) zan hian YMA Zawlbukah hman a ni dawn. YMA Branch Executive meeting-in a rel angin kuminah hi chuan section hrang hranga hmang dark lovin YMA Zawlbukah a huhovin hman tum a ni a, hun hlimawm tak hmang turin ruahmanna siam a ni.

A hmun : YMA Zawlbuk

Chairman : Pu RL. Thanhnuna

Hunserh : NL. K Vanlalchhuangi

Opening song : Branch YMA Zaipawl

Kumpuan thusawi : Pu C Lalzarliana

Special Item : NL. Melody Lalsawithangi, Thuampui leh Tv Vanlalnghaka (Nghaktea)

Fiamthu : Vanlalpeka, Sihphir

Lawmthu sawi : Pu T. Ngurkhuma

He YMA Day lawmna

hunah hian Section hrang hrangten Lengkhawm zai intihsiaik tur a ni a, lawmman pawh siam a ni. Refreshment tuihnai tak buatsaiah a ni bawk ang.

YMA Day zingkarah hian Section hrang hrangah YMA member leh YMA Chhangte nen faina hnatlalng neih tum a ni a, thing pawh phun tur hmuh a nih chuan phun tum a ni bawk. Chhun lamah YMA Chhang pualin hun hlimawm leh nuam tak hman tum a ni.

OB post siamrem

Vice President Pu T Ngurkhuma, a hnathawhna Agriculture Department-ah Agriculture Extension Officer-a a kaisan avangin Serchhipah sawn a nih tak avangin Vice President atan Fin. Secy nilai Pu K Darthantluanga chu secret ballot hmangin Executive Meeting chuan a thlang a, Fin. Secretary atan Executive Member Pu Lalrinliana chu secret ballot hmang bawka thlan a ni. Silver Jubilee Fund Raising Committee Treasurer atan Fin. Secy Pu Lalrinliana ruat thar a ni a, YMA AW Production Manager atan Asst. Secy. Pu RL Thanhnuna ruat a ni bawk.



1.6.2013 PI THANGKIMI IN CHANMARI WEST BRANCH YMA SAK

Branch News

● Ni 8.6.2013 (Inrinni) zan dar 11:30 vel khan Kawipui CH-Sect-ah Scooty ruk tum veng dang mi pathum man an ni a, Vaivakawn Police-ah hlan an ni.

● Ni 9.6.2013 (Pathianni) zan dar 10:30 khan hruiute Phunchhawngah chawp chilh taka duty tura Central YMA-in min rawn ngen angin mi 16 zuk kal a ni. Veng hrang hrang atangin mi 70 chuang duty a ni. Hruiute a tul hun apianga duty thei tura inring turin an inhriattir.

● Ni 8.6.2013 (Inrinni) nileng khan Property Sub-Committee ten information mike siam hnatlalng an nei a, Neuva Section leh Taitesena Section-ah te mike horn dah thar a ni. Section thenkhata line tha lo an siam tha nghal bawk. Pu HVL Zasanga N-Sect.in Cable hrui man tur ₹ 700 a rawn thawh chu Branch YMA-in lawmthu a sawi.

● YMA Life Member ni duh Central YMA-a kan dilpui heng mite hi Central YMA chuan a pawm Pu Laltlanliana S/o L.Nghakliana T-Sect. leh Pu.Ngurzamlova S/o Lalchung-nunga T-Sect.

● Ni 15.6.2013 (Inrinni) YMA Day zingah Section hrang hrangah Faina hnatlalng neih tur a ni, a remchan dan angin YMA Park-ah thing phun a ni ang a, chhun lamah YMA chhang te'n Zawlbukah hun hman tur a ni a, Branch Executive Memberte tawiawm theuh tura ngen an ni.

● Karleh hun remchangah Chief Minister' Running Trophy hnam lam intihsiaik Central YMA-in a buatsaiah tur atan Branch OB leh ZOFA Cultural Club OB te Meeting tum a ni.



TUN KAR CHANGVAWN

Lalpa tihna chu a fai a, kumkhua atan a awm thin.

Sam 19:9

Editorial Board

Editor:	R Lalrinngheta	9862358337
Joint Editor :	Lalchhandama	9862358347
	J Lalnangliana	9862399658
News Editor :	Thangkhuma	9862303135
	Lalchhuanmawia	9862580558
	K Lalremtluanga	9862119608
Cir. Manager :	Jacob Lalrinsanga	9612319779
Production Manager :	RL Thanhnuna	9436152760

Branch Office Bearer

President	C. Lalzarliana	9436142049
Vice President	K Darthantluanga	9436196071
Secretary	Zairemmawia	9862385654
Asst. Secretary	RL Thanhnuna	9436152760
Treasurer	R. Lalhmachhuana	9436151817
Fin.Secretary	Lalrinliana	9862581814
Adviser-te :	Pu F Zosanga	9436142106
	Pu A Biaklawma	9436363169
	Pu Lalrengpuia Sailo	9862075614

Editorial :

Hmingthat aia sum tam vak lo pawh thlan zawk tawhna khawvelah kan chuangkai a, hmingchhe deuh hret chung pawha hausak mai kan duh ta fo mai chu a nih tak hi maw?

Veng chhung hmasawnna tur leh veng hmingthatna atana hmalakna tur kawng hrang hrangah kan rahbi a pelh zeuh zeuh niin a lang. Mipui nawlpui chuan a chipchiara sawi tur kan hriat chiah loh pawhin a ngaihven zual chu an lungawi lo ta fo mai.

Thil dangah peng leh daih te'ng. Thisen Pek Runpui, Mi harsa In sak tihte chu tunlai kan veng mipuite titi tui ber a ni hrih a, a ropui hle mai. Tunlai khawvelah tlwmngaih chhuah na tur leh tih theih a tlem tawh viau laia heti anga Branch YMA-in tlwmngaih chhuahna tur hun tha a duang a, mi dang tana malsawmna ni theihna kawng a dap chhuak hi a ropui hle mai.

Thiamna bik nei lem lo tan chuan tlwmngaih viau pawh hi a theih tawh lo tih chu Laipuitlang chhiantha thleng atang khan a chiang hle awm e. Chuvangin, kan tih theih chhunah hian theitawp i chhuah tlang zel ang u.

Thil hote a ngaih theih, harsa ni miah si lo, Branch YMA programme-ah te hian tlwmngaih chhuaha kal a ngai tawh niin a lang. Tunhma kha chuan YMA Day-te hi member-te chuan kan nghakhlel hle thin a, tunah chuan a kal tur kan inhmu zo lo vang tih kan hlau rum rum tawh a ni si.

T-a lo awm hi chu kei hian ka va han vanneihpui tak em! Chutih rual chuan veng mipuite tih finin kan awm leh dawn a nih hi. A lawmawm thin e.

Article:**Ka luan liam vena**

- T-a

Miten "Ka hmangaih" an tih ang hi a ni ang em aw? ka ti a, ka hnuk a tiulh ta fo mai. Hmangaih biathu han hlan ve ngawt dawn ila, engkhawkhaah min ngai lo emaw a ni awm si a... A thatzia te, a fuhzia te, a chungchuanzia te, entawntlak a nihzia te, enawn fotlak a nih dan te, hmuu zina kan hriat hnem poh leh ka rilru an hneh dan te zep tlat tum mah ila, khawi khawiah emaw chuan thiam phak bak bakin mi dang rilru tur ngaihtuah miah lovin sawi leh vak a awl le.

Germany-ah Materema a awm a, chawlh hmangin a lo haw a, hriat chak em emin ka zawt a, min chhang a, min chhang miah lo. Dortmund khawpui bul lawk thingtlang khuaah an inkulh a, vawi khat mah Signal Iduna Park-ah a la lut lo tih min hrilh a, kei ni ila ka kal foin ka inring a, hetiang lamah hian Terema hi a van lo ler awm lo em em, zan rei deuh deuh thlengin tute emaw mobile phone-in a bia a be ve si a, ka ti rilru a, British sipai a nih avangin kal an phal lo miah bawk si lo.

Ka rilru luauhtu ber ka sawi hmain, ka thinlunga hmun ril tak luah phak Borussia Dortmund chungchang ringawt pawh hi hnukulh teuha sawi tham a awm. Hria se la ropuina lal kha an khengbet lo tur tih ang deuhin, Terem-a hian hria se la, Signal Iduna Park-ah Dortmund inkhel a en ngeiin ka ring a, euro 15 chauhin a phur zual awm khawmna hmunah inkhel a en theih leh nghal. Stadium chhungah thutna 60,000 vel an siam bakah mi 25,000 chuangin ding chunga inkhel an en theihna tur an buatsaih a, mi dang pawi sawi lova an duh dan dana an khawsak an phalsak.

Tunlai coach zinga ngaihsanawm ber pawl Juergen Klopp chuan "Dortmund-ah chuan football hi sakhu a ni", ti hialin a sawi a, chu chuan football boruak lenzia leh a taka temtuten nuam an tihzia a sawi fiah phak em kei chuan ka hre lo?

He khaw thenawm lawka awm Terema hnenah Dortmund hi khawvela football club zinga a hmuna inkhel entu ngah ber dawttu an ni a, Barcelona tih lovah chuan entu an tam ber. League an khelh apiangin chawhrualin mipui 80,000 chuang an punghawm ziah tih ka hrilh a, "E! en ve tawh tur a nih chu" a ti.

Ziaktu pakhat chuan "Germany-ah chuan football tak tak an khel a, football fan

dik takten an en a, boruak lian leh nuam em em an chen a, khawvel hmun dangah Bundesliga boruak ang hi a awm ve lo," a ti.

Bayern Munich chanchin ziak rawh min ti a, ka duh leh ngaihsan ber ka ziah hmain ka hmun neih a khat chu a ni ta der mai. Bayern hi khawvela football club tha ber a nih loh chuan pahnihna chu a ni miah lo vang thihi ka ngaih dan a ni.

"Bayern hi football club a ni" tiin tawi tein sawi ila, ka rilruah chuan a fiah tawk. He club hian American emaw Russia emaw Arab mi haus a emaw a mamawh ve lo. Trophy leh sumdawnna, larna ringawt atchilhnen enkawl ve lo mah se khelmualah an hlawhtling thei. Sum an nei a, player man to an lei thei a, hlawhttam tak an pe thei bawk. Kum tin player naupang chhawr thar an nei ziah a, player an siam lian reng a, kum tin hlep an nei thei cheu. Dawhthei takin football an bei a, kalphung tha a hlawhtlinpui theih tih khawvel hmaah chiang takin an pholang.

Bayern president ni turin billionaire nih a ngai lo va, mi haus a emaw a mamawh lo. Germany tana football khel tawh, mi hmingtha, football khelh a chawlhsan hnuu football kalsan zui lo; football ze ril ber leh niphung hriate'n Bayern president nihna an chelh thin.

German player zinga ropui ber ang hiala an sawi thin Frank Beckenbauer-an president a nih atangin Bayern hi football fan-te ta a nihzia a chiang lehzual. A zawna kum thum (1974-76) European champion an nih laia Bayern player langsar Beckenbauer hi Karl-Heinz Rummenigge chuan thlakin Bayern president hna a chelh ve leh a, Bayern player hlui Rummenigge hi 1986 World Cup en phate chuan Germany tan a thawh hlawkzia an hmu ang.

Rummenigge hi Uli Hoeneß chuan thlak ve lehin tun thlengin Hoeneß hi Bayern president a ni a, 1974 World Cup champion West Germany team zinga mi niin tun season-a trophy lian pathum lakpuitu coach Jupp Heynckes nen hian German national team tan an khel dun thin. Inthian tha tak niin Heynckes hi a vanglaia striker tha tak a ni a, Bundesliga chanchina goal thun tam pathumna a la ni reng.

(Kan tum ber kan luhchilh hman ta lo va, Editor-in a phal leh hmangaihna chanchin hi kan ziah chhunzawm leh dawn nia)

Phek 3-na

Chawngbawla Section

- Ni 15.6.2013 (Inrinni) zan hian kawipua zun in leh bungraw in siamin hnatlang neih tur a ni a, member a tam thei ang ber thawk chhuak turin an inhriattir.
- Silver Jubilee thawhlawm khawn mek a ni a, member-te ngai pawimawh turin an inhriattir.
- Section huam chhunga ui leh ar chhuah ḥinté chu chhuah tawh lo turin an hriattir.
- YMA Park-a zan riaka motor dah ḥinté chu dah tawh lo turin an hriattir.

Khuangchera Section

- Ni 6.6.2013 (Ninga) zan khan Section YMA RUN-ah meeting nein thil pawimawh tak tak an rel.
 - Branch YMA hmalaknaa Pi Thangkimi In sak zawh taka member hnatlangte chungah an lawm hle.
 - YMA Day lawmna atana YMA Chhang inelna tur Hla zir turin YMA chhang member a tam thei kal tur a ni.
- A hmun : Section YMA Run
A hun : Ni. 9.6.2013 Tlai dar 3
- Branch YMA huaihawta Thisen pek runpui atan Bawng soup siamin ni 7.6.2013 zan khan hruaitute an hnatlang a. Section aṭanga thisen petu zawng zawng chungah an lawm hle.

- Section huam chhung Vaivakawn ramri-ah ualau taka ruihhlo tih ching leh zuar ḥin an awm nia hriat chu hruaituten hmalak thuai an tum.
- Ni 15.6.2013-a YMA DAY hman hunah YMA member leh YMA chhang member-te a tam thei ang ber thawk chhuaka turin an insawm.

- Section Bungraw In (YMA RUN) tih zauh nana hma an lakmek pawh chhunzawm leh thuai an tum a, Section-in sum a tlakchham avangin Vengchhung nu leh pa ḥanpuin thei awm se an duh hle.

Neuva Section

- Tlawmngaiā thisen pe zawng zawngte chungah Neuva Section committee chuan lawmthu a sawi.
- Ni 14.6.2013 (Zirtawp) zan dar 7 a, YMA Day hmanna turah member zawng zawng kal ḥeuh turin an inchah.

Section Report/ Vengchhung/ etc.

9th June 2013

- 5.Hruaitute aṭangin hmanrua leh sum tam tak an dawng bawk.
- Foothpath siam mek a ni a. Hemiah hian a duh apiang tan hnatlan theih a ni a, ḥanpuina pawh a duh apiang tan pek theih reng a ni.
- Ran vulhtute an ran vulh khuahkhir theuh turin an hriattir.
- Nimin khan Civil Hospital a hman tur THISEN pek a ni, THISEN petu zawng zawngte chungah lawmthu an sawi.
- YMA DAY zingkarah Faina hnatlang a tel turin member-te an inhriattir.
- Pi Ngurziki ban ruh tliak leh Pu C Lalnunmawia, Guwahati lama in check up-a kal mekte chu an dam leh thuai an duhsak.

**HSLC & HSSLC Pass
lawmpuina hlan dawn**

Kum 2013-a Chanmari West veng chhunga HSLC leh HSSLC Distinction-a pass te hnenah Branch YMA chuan lawmpuina Citation ni 14.6.2013 (Zirtawp) zan hian YMA Day Function YMA Zawluba neih turah a hlan dawn a, Distinction-a pass te'n mahni awmna Section Secretary-te hnenah emaw Branch Secretary hnenah June ni 10 ralhma ngeiin hriattir tur a ngen kan ni e.

Awm thar

1. Pu Lalrinchhana te chhung member 3, Khawpuar aṭangin Pu Rochhunga in N-Sect.ah.
2. Pu BB Gurung te chhung member 7, Zotlang aṭangin Pu Hminga (L) in N-Sect.ah.
3. NI Laldinpuui te unau, member 3, Kawnmawi aṭangin Pi R Lalbiakdiki in, V-Sect.ah.
4. Pu Lalhriattira te chhung member 7, Bethlehem Vengthlang aṭangin Pu Lalnunmawia in V-Sect.ah.
5. Pu Lalthanliana te chhung member 4, Sailulak aṭangin RL Ngilneia in V-Sect.ah.
6. Pi S Thangpui te chhung member 4, Madanriting Shillong aṭangin Pi Nikhumi in V-Sect.ah.

Pem chhuak

1. Pu Joseph Thanga te chhung member 5, Pu Lalthanzama in T-Sect. aṭangin Zemabawkah.
2. Pi Laldinpari te chhung member 3, Pu J Johana in N-Sect. aṭangin Hunthar Vengah.

MHIP

- Ni 6.6.2013 (Ninga) zan khan Branch Executive meeting an nei a, MHIP Day (2013) chu ropui taka hmang turin ruahmanna an siam a, member-te pawh lo inbuatsaih turin an inchah. Fin. Secy report kimchang tak ngaihthlak bawk a ni.
- Puantah leh Puanthui zirna-ah tun Batch atan chuan seat a khat tawh a, zirlaite pawh an kal thain Bialtu C.O. pawh a lawm hle. Tin, he centre tana chini petu Pi Lalkhawthangi chungah an lawm hle.
- An committee member Pi Thangpuii damlo, Synod Hospital-a awm mek chu a dam that leh thuai an duhsak hle.

YMA ZAIPAWL

Ni 10.6.2013 (Thawhtan) zan dar 8:30 hian NI Chhandami te in (Gemini dawr chung) ah hla zir tur a ni a, Zaipawl member-te kim taka kal tura hriattir an ni e.

YMA DAY Function Usher turt

- | | |
|-------------------------|------|
| 1. NI C Lalrammuani | (CH) |
| 2. NI MS Dawngliani | (CH) |
| 3. NI Lalmuanpuii | (K) |
| 4. NI Saizikpuii | (K) |
| 5. NI PC Lalrindiki | (T) |
| 6. NI H Lalremtluangi | (T) |
| 7. NI Lalmawizuali | (N) |
| 8. NI Lalhmangaihsangi | (N) |
| 9. NI Lalhlimpuii Pautu | (V) |
| 10. NI C Lalsangpuii | (V) |

BADMINTON

- Indoor Stadium rawng hnawih thar a ni a, inkhel thinte dim taka hmang turin an innge.
- An Secretary Pu Lalbiakhlu chu Aizawl District Football Association (ADFA) Joint Secretary atan thlan thar a ni a, an lawmpui hle
- Inkhel thinte Hall Fee ngai pawimawh turin an inhriattir.

CWSC

- Patron atan Pi Zamanthangi, Councillor, AMC Ward No-VI chu an ruat.
- Adviser atan heng mite hi an ruat:
 - 1) Pu F Zosanga
 - 2) Pu C Lalzarliana
 - 3) Pu R Rokima
 - 4) Pu Lalzirliana
- MPL Playoff khelhdan tur :
 - 10.6.2013 - Electric (3:00pm)
 - 14.6.2013 - Khawzawl (3:00pm)
- Playoff hi Rajiv Gandhi Stadium, Mualpui-ah khelh tur a ni.

- Player-te inkhel tawiawm thin tur hian veng chhung mipuite an sawm tak meuh a ni.

Silver Jubilee

- YMA Activities thlalak hrang hrang nei te'n a hnuia Phone No. tarlanah hian hriattir ula, an rawn lam ang.
 - 1. B Lalsawmzuala - 9436141868
 - 2. Lalnunthara Sailo - 9612153088
 - 3. CLalhmangaiha - 9615471892

COMPUTER ADMISSION

**Course Offered (1) Software Course (2) Hardware Course
(3) Video Editing (4) Visual Basic (5) Other Short term Courses**



Gov't Approved & Member Institution of MCIOA
Opp. RD Office, Chanmari. Aizawl. Estd.: 2007
Ph. 9862358347 / 9774569327

Idea Excel Credit Renting Agency, Aizawl-ah Data Entry Operator tur (Pakhat)1 mamawh a ni. Qualification (DCA) HSSLC an ni tur a ni, Experience nei duhsak an ni ang.

Hlawh ₹ 3000

Contact ☎ 9089133523 / 9089008837

Interview :Ni 10.6.13 (Thawhtan)
A Hmun : Pu Lalthianghlima In K-92 (Khuangchera Setion)

SPOKEN (ENG/ HINDI), COMPUTER, MATHS ZIRNA HMUN

(10 yrs Experience Teacher te zirtirna)

Timing 6:30 am - 6:00 pm
I hun neih dan angin rawn zir rawh le. Course hrang hrang a zir theih e.

☎ 8974361240

Goshen Learning Centre
Vaivakawn. Opp Bazar.

YMA Chhang i/c hriattirna

YMA Chhangte i/c Section hrang hrang a mite Vawiin chhawhma inkhawm ban dar 12:00 hian NI C.Lalchhandami (Machhantei) te in CH-Sect.-ah thatkhawm tur a nia, Sect. hrang hrang atanga YMA Day a YMA Chhang item neih turt Report nghal tur a ni e.

LUNGHLUROAD

Lunglu Road ami, Maului kanna Lei chu Concrete in an dawh a, hmalaksaktu Adviser Pi Zamanthangi chungahte, an mamawh apiang battir thintu Pu L Nghakliana te, thil tul apiang hmantirtu Pu Zosanglura Pu Pachhunga te, thingpui lumsaktu Pu Ronghakate chhungkua leh Pu H Lalenga te chhungkaw chungah leh hnatlanga thawk chhuak zawng zawng chungah lawmthu an sawi.

ZOFA

- Tunkar hun remchangah Committee koh tum a ni.
- An member thisen petute chungah lawmthu an sawi a, YMA Day hlim taka hmang turin duhsakna an hlan

Leaders Directory

Chanmari West Branch YMA
Neuva Section chuan Kum 2013
chhunga NGO'S, Kohhran hruaitu
Phone Number pawimawh
Inziahna Leader's
Directory 2013 chu Branch
Executive Committee remtihna a
siamin, veng chhungah zawrh
chhuah kan tum a. Chhungtin ten
tlawmngaih chhuaha min lo lei
sak vek turin kan ngen a che u.

Secretary
Neuva Section

LOGO INSIAMSIAK

Kum 2015 Silver Jubilee
pualin LOGO Insiamsiak
buatsaih a ni a, Ni 15.8.2013
thleng thehluh theih a ni. Mi
pakhatin pakhat aia tam siam
theih a ni a, a duh tan
Facebook lamah thawn theih
a ni ang. Hemi atanga thlan
chhuah hnenah Lawmman tha
tak pek a ni ang. LOGO
design-te hi Pu R.
Lalhmacchuana Vanapa
Section leh Pu J. Lalnangliana
Chawngbawla Sectionah
thehluh theih a ni ang.